

INUIT ATAQATIGIIT INATSIARTUNI



UKA2025/166

04.Nov.2025

Mariane Paviassen Jensen

Qulequtaq. Namminersorlutik Oqartussat pigisaanni, pisortat suliffeqarfiutaanni misissueqqissaarnermi iluaqutaasinnaasut aamma ajoqutaasinnaasut selskabit niuertorpalaartumik ilusiligaasimanerannut aaqqissuussisimanermi siunertaqartunuinnaanngitsoq taamaattorli aamma immikkuullarissumik politikikkut qajassuussinissaq pillugu UPA2026-mut saqqummiussinissaannik Naalakkersuisut peqquneqarnissaannik Inatsisartut aalajangiiffigissaattut siunnersuut (Inatsisartunut ilaasortaq Pele Broberg, Naleraq)

Oqaaseqaat.

Siunnersuut soqutiginnateqartuuvoq, namminersorlutik oqartussat ingerlatseqatigiiffiisa ingerlatsinerannut tunngassuteqartoq, qujavugullu oqaatigienqarmat piginnittuunermut politikkip eqeersimaartumik ingerlanneqarnissaannik pingaartitsisinermik, piginnittuunermummi politikki qinigaaffik kingulleq suliarineqartoq pitsaasuuvuq inuiaqatigiillu piginneqatigiilluni ingerlataannut iluanaarutigut pitsaaneruseqatigut atugassaqaartitaannissaannut toqqaannartumik iluaqusiinissamik siunertaqartuummat.

Soorluttaaq Inuit ataqatigiinni siusinnerusukkut oqaatigisarput tassaavoq piginneqatigiilluni ingerlatseqatigiiffinni naammanngitsoq siulersuisunik taarsiiginnartarneq, piginneqatigiilluni ingerlatsivinni annertuumik unammillernartuutitatta ilagilluinnagaat siusinnerusukkulli oqaatigisartagarput tassaasoq pisortaqaartitsinikkut aningaasarsiaqaartitsisarnerup annertuallaamik inissinneqartarnera, assersuutissaqqissuuvorlu royal greenlandip piginneqatigiiffitta naak amigartooruteqarluni ingerlagaluartup pisortaata ukiumut 8 mio,-krninik aningaasarsiaqaartinneqarnikuunera, taakku saniatigut sulinermi ajunngitsorsiasanik pissarsitinneqartarnera, tassungali killiinnanngilagut suliffeqarfiutitsinnik taakkartortakkatta annertuumik pisortarpassuarnik atorfeqaartitsisarneri ilungersunartuuvoq annertoq, illua'tungaani sulisartut S.I.K malillugu aningaasarsiaqaartinneqartut annikinnerujussuarmik pisortaasuniit aningaasarsiaqaartinneqartarnerat nunatsinni atugaavoq. Nalunngilarpullu suliffeqarfiutitsinni pisortatut sulisorineqartut tassaakkajuttut nunatta avataaniit tikisinneqartartut, aningaasarsiaqatinnegarnileru isumaqarpoq aningaasanik nunatta avataanut aniatitsineq annertoq. Suliffeqarfinilu ingerlatitsisut aalisartut, savaatillit, pilersuisuni pisisartut, inissianik attartortut, angallattut, assartuusinermit atuisut, oqarasuaateqarnikkut internittimillu atuisut tassaapput akinik qaffasissunik akiliuteqarlutik atuisuusut.

INUIT ATAQATIGIIT INATSIARTUNI



Suliffeqarfiutitsinni nammineq pigisatsinnik taakkartukkatsinni innuiaat atugaannik assigiinngisitsinermik annertuumik ingerlatsisoqarpoq, tamanna akueriinnarneqarsinnaajunnaaqavoq, qinigaaffik kingulleq ingerlatseqatigiiffinnut tunngasumik politikkissap suliarineqarnera tassaavoq pitsanngorsaalluni alloriarneq siulleq, iluarsisarialli taagugassat suli amerlasuujusut qularutissaanngilaq. Taamaammat oqaaseqarfinni arlalinni oqaatiginikuuarpur ingerlatseqatigiiffiit pitsaanerusumik misissuiffigineqarlutillu equngasumik ingerlatsinermut tunngatillugu aaqitassat aaqqissuunneqartariaqalersut.

Siunnersuuteqartup anguniagaa paasilluarparput, taamaattorli aamma maluginiarparput naalakkersuisut allannguutissatut siunnersuuteqartut, siunertalli tassaasariaqarpoq ingerlatseqatigiiffitsinni ilaatigut angujuminaatsumik misinnartuullunilu ilungersunartumik ingerlatsinerup allanngortariaqarnera, ingerlateqatigiiffinni siulersuisuutitaasartut tassaatinneqartarput ulluinnarni ingerlateqatigiiffiup qanoq ingerlanissaannik aalijangersaasartut, tamannali qanoq eqqortigisarnersoq ersarissumik ilisimaqissaarneqanngilaq inuiaqatigiit akornini, ammanersumik ingerlatsineq ingerlasariaqarpoq inuiaqatigiimmi tassaapput annertuumik ingerlateqatigiiffinni aningaasalersuisuusut. Ilangullugu anguniarneqartariaqartoq tassaavoq aningaasarsiaqartitsinerup, pisortaqtitsinerullu kalaallit annerusumik iluaqtigisinnaasaannik aqutissaqartitsinissaq, sapinngisaq tamaviat kalaallit nunaani najugalinnut ilinniagaqarsimasunik pisortaqtitsinissaq anguneqartariaqarpoq.

Siunnersuut soqutiginartoq naalakkersuisullu allannguutissatut siunnersuutaat malillugu siunnersuuteqartup anguniagaannut naleqqulluinnarnersup paasilluarnissaa anguniarlugu ataatsimiititaliamut susassaqtumut suliassaq ingerlateqqipparput.

Qujanaq